

I - ARABAKO BATZAR NAGUSIAK ETA ARABAKO LURRALDE HISTORIKOAREN FORU ADMINISTRAZIOA

ARABAKO BATZAR NAGUSIAK

2/2019 Foru Araua, martxoaren 5koa, Arabako Batzar Nagusietako Funtzionamendu Araudia aldatzeko, atxiki gabeko batzarkidearen figura erregulatze aldera

Arabako Batzar Nagusien Arautegi eta Barne-Gobernurako Batzordeak, 2019ko martxoaren 5eko bileran, araugintza-ahalmen osoz, honako foru araua onartu du:

2/2019 Foru Araua, martxoaren 5koa, Arabako Batzar Nagusietako Funtzionamendu Araudia aldatzeko, atxiki gabeko batzarkidearen figura erregulatze aldera.

ZIOEN AZALPENA

Batzar Nagusi hauetako batzarkide-taldeen osieran izandako aldaketen ondorioz, hainbat batzarkide euren talde politikoetatik kanporatuak izan dira eta horrek gorabeherak eragin ditu ganberaren funtzionamenduan. Gorabehera horiek direla-eta, hausnarketa bat egin da gure Araudian "atxiki gabeko batzarkidearen" figura sortzeko beharraz; izan ere, figura hori aspalditik jasoa dago tokiko instituzioetan eta parlamentu autonomiko gehienetan.

Horren asmoa da kontsekuentea izatea, zeren eta hauteskundeetan alderdi edo formazio politiko bati botoa ematen zaionean, jokatzeko baita formazio horrek ordezkatzeko duen ikuspegi ideologiko eta politikotik. Eta horrek, azken batean, isla izan behar du Ganberako taldeen antolaketan.

Era berean, salbuespenez, erregulatzen da egungo talde mistoaren kide guztiek 2019ko foru-hauteskundeetan deialdiagatik Batzar Nagusiak desegin ondoren eratuko den Batzorde Iraunkorrean izan beharreko ordezkartzaren arazoa.

Hori guztia dela eta, eta hurrengo legealdian halako egoerak saihestearren, indarrean den araudian honako aldaketa hauek gehitzen dira:

1. artikulua: Arabako Batzar Nagusien Araudiaren Foru Arauaren 34. artikulua aldatzen da. Honela idatzita geratzen da:

"Taldea mistoa osatuko dute Araudiaren 31.1 artikuluan ezarritako betekizuna ez betetzeagatik ezein taldetan sartu ez diren batzarkideek. Batzarkide horiei Batzar Nagusietako lehendakariak deialdia luzatuko die gainerako taldeak osatu eta hiru eguneko epean, eta batzarkide horiek jakinaraziko dute nork egingo dituen bozeramailearen funtzioak eta nor izango den horren ordezkoa."

2. artikulua: Arabako Batzar Nagusien Araudiaren Foru Arauaren 35. artikulua aldatzen da. Honela idatzita geratzen da:

"1. Atxiki gabeko batzarkide-izaera izango dute hautatuak izan ziren hauteskunde-taldeak eratzen duen batzarkide-taldera edo, araudiak ezarritako minimora heldu ezean, arauzko betekizunak beteta talde mistora integratzen ez diren batzarkideek, bai eta edo jatorrizko taldetik kanporatuak diren edo beren borondatez taldea uzten duten batzarkideek.

2. Batzarkide-taldea beren borondatez uzten duten batzarkideek jakinarazi beharko diote Batzar Nagusietako Mahaiari, jakinaren gainean egon dadin eta Araudiaren ondorioetarako.

Batzarkide-taldeko kide bat kanporatu edo bananduz gero, taldeko bozeramaileak idatzi bidez jakinaraziko dio Batzar Nagusietako Mahaiari, aurreko kasuaren ondorio berberetarako.

3. Aurreko ataletan xedatutakoa ez da aplikatuko baldin eta batzarkide-taldetik kanporatzen badira federazio, koalizio edo hautesle-elkarte batean integratutako alderdi politiko baten batzarkide guztiak, ezta ere federazioa, koalizioa edo hautesle-elkartea deseginez gero. Kasu horretan, banandutako edo kanporatutako batzarkide guztiak batzarkide-talde propioa osatuko dute edo talde mistoan sartuko dira, Araudian xedatutakoaren arabera.”

3. artikulua: Arabako Batzar Nagusien Araudiaren Foru Arauaren 36. artikulua aldatzen da. Honela idatzita geratzen da:

1. Atxiki gabeko batzarkideak ezin izango dira haien artean elkartu edo beste ezein taldetan sartu, ezta talde mistoan ere, Ganberaren agintaldiak iraun bitartean, salbu eta euren jatorrizko taldean baldin eta bozeramaileak oniritzia ematen badu.

2. Atxiki gabeko batzarkideek Araudiak norbanakoei aitortzen dizkien eskubide eta diru-ordainsariak besterik ez dituzte izango. Ganberak ez die inola ere ordainduko arduraldi oso edo partzialetik eratorritako ordainsari finko eta aldizkatorik, eta ezin izango dute izendatu aholkularirik edo laguntza administratiboko langilerik Arabako Batzar Nagusien aurrekontuen kargura.

3. Ganberako Mahaiak atxiki gabeko batzarkideei emango dizkie beren zeregin parlamentarioak betetzeko beharrezkotzat jotzen dituen bitarteko materialak. Ezin izango dira inola ere batzarkide-taldeei ematen zaizkienak baino gehiago. Atxiki gabeko batzarkideei Batzar Nagusietako egoitzako lokalak emango zaizkie behin batzarkide-taldeen artean lokalak banatutakoan lekurik geratzen bada.

4. Atxiki gabeko batzarkideek Arabako Batzar Nagusien Araudiak 19, 20, 21.1 eta 23 artikuluetan jasotzen dituzten eskubideak izango dituzte.

5. Atxiki gabeko batzarkide bakoitzak batzorde bateko kide izateko eskubidea izango du. Batzorde hori Arabako Batzar Nagusiko Mahaiak zehaztuko du, atxiki gabeko batzarkidearen iritzia entzun ondoren, zein batzorde nahiago duen adierazi dezake eta.

6. Gaitasun araugile osoa duten batzordeetan, bertako kide ez diren atxiki gabeko batzarkideak boto emateko baino ezin izango dira joan, salbu eta eztabaidagai den edo zuzenketak jasotzen ari den ekimenaren egile badira.

7. Edozelan ere, atxiki gabeko kideek osoko bilkuretan eta batzordeetan parte hartzeko duten txanden iraupena banaka duten ordezkariak politikorekiko proportzionala izango da, eta Ganberako Lehendakariak ezarriko du, Mahaiarekin bat etorritik. Txanden iraupena Batzar Nagusiak osatzen dituzten batzarkide-taldeen dutena baino txikiagoa izango da.

8. Ganberako Mahaiari dagokio, Bozeramaileen Batzarraren iritzia entzunda, atxiki gabeko batzarkideen egoera eta jarduteko aukeren gainean sortu litezkeen auzi guztiak ebaztea, Araudi honen arabera.

4. artikulua: Arabako Batzar Nagusien Araudiaren Foru Arauaren 39. artikulua aldatzen da. Honela idatzita geratzen da:

“Taldea mistoko batzarkideek eta atxiki gabeko batzarkideek ekimenak aurkeztu ahal izango dituzte eurek soilik sinatuta, Araudi honetan ekimen bakoitzerako ezartzen diren onargarritasun-betekizunak beteta”

5. artikulua. Arabako Batzar Nagusien Araudiaren Foru Arauaren 74.1. artikulua aldatzen da. Honela idatzita geratzen da:

“1. Lehendakariak eztabaidak antolatu eta zuzenduko ditu eta hitza emango die hala eskatzen duten batzarkideei, betiere batzarkide-taldeen kide kopurua kontuan izanik, kopuru txikiena duen taldetik handiena duenera. Atxiki gabeko batzarkideak izango dira beti lehenak eta dei egingo zaie alfabetikoki beren lehen deituraren arabera. Jarraian, Talde Mistoaren txanda izango da. Batzordeetako lehendakariak ere eskumen horiek dituzte euren esparruetan”

6. artikulua. Arabako Batzar Nagusien Araudiaren Foru Arauaren 175.4. artikulua aldatzen da. Honela idatzita geratzen da:

“4. Mahaiak, Bozeramaileen Batzarrarekin ados, bilkura-aldi bakoitzaren hasieran finkatuko du zenbat galdera dagozkion batzarkide-talde bakoitzari, taldea osatzen duten kideen kopurua aintzat hartuta, eta atxiki gabeko batzarkide bakoitzari; dena dela, hilean behin egiten den kontroleko osoko bilkuran taldeei gutxienez galdera bana egiteko aukera emango die”

XEDAPEN IRAGANKORRA: Kontuan izanik legegintzaldi honetan Mistoa Batzarkide Taldeak izandako osaera, batzarkide-izaerari eutsiko diote eta foru-hauteskundearen deialdiagatik Ganbera desegin ondoren eratuko diren Batzorde Iraunkorreko kide izango dira Mistoa Taldeko Orain Araba taldeko batzarkide bat, Irabazi taldeko batzarkidea eta batzarkide independentea.

AZKEN XEDAPENA: Foru arau hau indarrean sartuko da 2019ko maiatzeko foru-hauteskundeetatik aterako diren Batzar Nagusiak eratzen diren egunean, salbu eta xedapen iragankorra, zeina indarrean sartuko baita 2019ko maiatzeko foru-hauteskundearen deialdia egiten den egunean.

Vitoria-Gasteiz, 2019ko martxoaren 5a

Presidentea

PEDRO IGNACIO ELÓSEGUI GONZÁLEZ DE GAMARRA